



iLibrary

Ponuda softverskog rješenja za bibliotečni arhiv

Intelligent Software Development

mart 2017. godine

Poštovani,

Modernizovanje načina poslovanja u bibliotekama je definitivno jako bitno. Sigurno nije lahko raditi sa hiljadama kartica koje stoje u kutijama i zauzimaju mnogo korisnog prostora u radnom okruženju. Nije rijetka situacija gdje se kartica ili više njih izgube, ili se slučajno promijeni njihov redoslijed što dovodi do toga da je pronalaženje istih gotovo nemoguća misija. Radi navedenih, ali i mnogih drugih nepraktičnosti želimo Vam ponuditi efikasno rješenje. Posao arhiviranja želimo olakšati što je više moguće. Vaši bibliotekari neće više gubiti vrijeme i živce zbog grešaka u sistemu za arhiviranje. Želimo uvezati sve Vaše biblioteke i omogućiti Vam efikasne načine pretrage i rezervacije knjiga. Prvenstveno želimo omogućiti korisnicima lijepo okruženje za rad, okruženje u kojem bi uživali i samim tim bili raspoloženi na radnom mjestu, a znamo koliko je to bitno u radu sa klijentima.

Šta nudimo?

Cilj razvoja našeg sistema je olakšavanje Vašeg poslovanja. Sve funkcionalnosti će biti implementirane u skladu sa zakonima, pravilima i standardima.

Našim sistemom mi nudimo sljedeće funkcionalnosti:

1. Administracija sistema:

- Kreiranje korisnika sa administratorskim/moderatorskim privilegijama
- Kontrola i pregled osoblja
- Interfejs za jednostavan unos članova biblioteke
- Dodjeljivanje članske karte sa brojem i lozinkom
- Izmjena i brisanje podataka o korisnicima

2. Kategorizacija literature

- Dodavanje kategorija za arhiviranje
- Izbor kategorije za unos literature
- Unos literature po kategoriji
- Određivanje mogućnosti online preuzimanja
- Određivanje privilegija čitanja sadržaja

3. Evidencija

- Uvid u stanje literature u arhivu
- Unos podataka o literaturi
- Izmjena i brisanje literature
- Pretraga po nazivu ili autoru
- Automatsko izlistavanje ponuđenih stavki

4. Iznajmljivanje

- Povezivanje posuđene knjige sa brojem članske kartice
- Automatsko određivanje roka vraćanja posuđene knjiga/materijala
- Uvid u sva posuđivanja/vraćanja literature
- Generisanje izvještaja
- Online uvid članova biblioteke u sva njegova iznajmljivanja

Osnovne karakteristike ovog sistema pružaju niz prednosti u Vašem poslovanju, a to su:

- Centralizacija sadržaja na jednom mjestu uz mogućnost brzog i jednostavnog unosa;
- Jednostavan i navigabilan korisnički interfejs;
- Bolja organizacija i pristupačnost;
- Sistem u skladu sa najnovijom tehnologijom;
- Pristup tačnim i preciznim informacijama o stanju literature u realnom vremenu;
- Drastično smanjene potrebe ručnim radom zbog automatizacije procesa;
- Jednostavno i precizno obavještenje o vremenu vraćanja iznajmljene literature;
- Zaštićen sistem od neovlaštenog pristupa i zloupotrebe sadržaja;

Cjelokupan sistem se svodi na korištenje baze podataka, zbog čega je potrebno sve podatke sačuvati na najbolji mogući način, pa su omogućeni backup i povratak podataka.

Zašto mi?

Naša firma je na bosanskohercegovačkom tržištu prisutna od 2004. godine te se možemo pohvaliti da smo do sada učestvovali u velikom broju projekata različitog obima i kompleksnosti. Posebna nam je motivacija zadovoljstvo naših klijenata, stoga se nadamo da ćete i Vi biti jedan od njih. Za sada je u našoj firmi zaposleno preko 70 osoba koje su spremne da odgovore na sve postavljene zahtjeve i koje funkcionišu u timovima. Naši timovi sastavljeni su od visoko kvalifikovanih, obrazovanih stručnjaka sa iskustvom.

Pošto smo upoznati sa svim nedostacima Vašeg postojećeg informacionog sistema, možemo Vam ponuditi poboljšani informacioni sistem te naravno ukloniti sve probleme i poteškoće sa kojima se suočavate.

U našoj firmi postoje stručnjaci u oblasti razvoja i održavanja, uz korištenje najnovijih tehnologija, te Vam možemo garantovati uspješnu saradnju i nakon što se informacioni sistem pusti u rad.

Naši ljudi poštuju etiku, principe i dogovor, tako da je komunikacija sa klijentom najvažnija, kako prilikom projektovanja informacionog sistema, tako i prilikom održavanja istog.

Razvoj informacionog sistema za Vaš bibliotečni arhiv nam izgleda kao vrlo zanimljiv projekat, te bi realizacija doprinijela uzajamnom zadovoljstvu, Vama kao kupcu, i nama kao kreatorima sistema. Neke od pogodnosti koje Vam nudimo su pružanje podrške korisnicima 24/7, čuvanje sigurnosih kopija na našim zaštićenim serverima, mogućnost nadogradnje sistema u skladu sa promjenama Vaših zahtjeva i mnoge druge pogodnosti.

Možemo Vam ponuditi obučavanje korisnika za korištenje sistema, kada isti bude spreman za puštanje u rad. Datum isporuke sistema prema dogovoru je od iznimne važnosti za nas. Očekujemo da će Vaši korisnici sistema nakon obuke primijetiti da je pristup Vašem poslovanju postao sistematičniji, jednostavniji i lakši.

Na osnovu svega navedenog, nadamo se Vašem brzom odgovoru i uspješnoj saradnji, te da ćete upravo nama ukazati svoje povjerenje.

Ukupna cijena

Po mišljenju naših analitičara, za kompletnu implementaciju ovog sistema je potrebno 3 mjeseca. Za taj period se podrazumijeva da se softver implementira, da se dostavi kompletna dokumentacija, te obuka Vaših uposlenika i prilagođavanje sredini. Cijena sistema koja uključuje i obuku zaposlenika iznosi 12.000KM (dvanaest hiljada konvertibilnih maraka).

Naša firma snosi određene posljedice ukoliko sistem ne bude isporučen na vrijeme (za svaki započeti kalendarski dan zaračuna se kazna od 0,5% od ukupne vrijednosti softvera). Dužni smo Vas obavijestiti ukoliko dođe do određenih kašnjenja, te Vam predložiti novi rok isporuke sistema. U slučaju da sistem ne bude implementiran nakon isteka razumnog dodatnog roka, imate pravo odstupiti iz ugovora.

Garancija na naš sistem iznosi 5 godina, uz besplatno održavanje softvera u periodu od jedne godine. Za sve nejasnoće i probleme prilikom korištenja softvera, naši stručnjaci će Vam biti na raspolaganju. Svaka naredna godina održavanja sistema košta 1.000KM (jednu hiljadu konvertibilnih maraka). Nadograđivanje sistema se vrši po Vašim potrebama i zahtjevima, a cijena će biti utvrđena u zavisnosti od kompleksnosti zahtjeva.

Nadamo se da ćete postati dio „ISD” porodice, i naravno radujemo se budućoj saradnji s Vama.